



Umaso Wathu Wacikristu na Utumiki

PROGRAMU YA MISONKHANO

Mafala Akukhonda Nentsa Toera Kutomesa Makani

●○○ ULENDU WAKUTOMA

Mbvundzo: Kodi Mulungu asaona tani ale anantumikira na ntima onsene?

Lemba: 1 Ped. 5:6, 7

Siyani mbvundzo uyu: Tisadziwa tani kuti Mulungu asatsalakana m'bodzi na m'bodzi wa ife?



○○● ULENDU WAKUBWEREZA WAKUTOMA

Mbvundzo: Tisadziwa tani kuti Mulungu asatsalakana m'bodzi na m'bodzi wa ife?

Lemba: Mat. 10:29-31

Mbvundzo: Ninji pinapangiza kuti Mulungu asatidziwa mwadidi?



○○● ULENDU WAKUBWEREZA WACIWIRI

Mbvundzo: Ninji pinapangiza kuti Mulungu asatidziwa mwadidi?

Lemba: Masal. 139:1, 2, 4

Siyani mbvundzo uyu: Kodi ufuni wa Mulungu usatiphedza tani?

- Nyimbo 13 na Phembero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- “**Yezu Acita Cirengo Cace Cakutoma**”: (mph. 10)
[Pangizani vidhyu yakuti *Mafala Akutoma a Bukhu ya Jwau.*]
Jwau 2:1-3—Pa phwando yakumanga banja pacitika pinthu pyakuti mbipidapasa manyadzo (w15 15/6 4 ¶3)
Jwau 2:4-11—Cirengo cidacita Yezu cawangisa cikhulupiro ca anyakupfundzace (jy 41 ¶6)
- **Kusaka Mpfuma Zauzimu**: (mph. 8)
Jwau 1:1—Ninji pinapangiza kuti Jwau nee akhafuna kulonga kuti “Fala” ikhali Mulungu Wamphambvu Zonsene? (nwtsty pidzindikiro pya pfundziro)

Jwau 1:29—Thangwi yanji Jwau M’batizi alonga kuti Yezu ndi ‘Mwanabira wa Mulungu’? (nwtsty cidzindikiro ca pfundziro)

Mwapfundzanji thangwi ya Yahova pakuleri kwanu Bhibhlya sumana ino?

Ndi mpfuma zipi zinango zauzimu zidagumana imwe pakuleri kwanu Bhibhlya sumana ino?
- **Kuleri Bhibhlya**: (mph. 4 peno zakucepta) Jwau 1:1-18

PFUNDZISANI MWALUSO MU UTUMIKI

- **Vidhyu Toera Kupangiza Ulendo Wakutoma**: (mph. 4) Mungamala kuipangiza, phembani anyakubvesera toera alonge ntsonga zikulu zidapfundza iwo.
- **Ulendo Wakubwereza Wakutoma**: (mph. 3 peno zakucepta) Phatisirani khundu yakuti mafala akukhonda nentsa toera kutomesa makani.
- **Pfundziro ya Bhibhlya**: (mph. 6 peno zakucepta) bhs 50, Undimomwene 2

KUKHALA MASO NINGA AKRISTU


- Nyimbo 38
- **Pyakufuna Pyapampingo**: (mph. 8)
- **Pinacita Gulu Yathu**: (mph. 7) Pangizani vidhyu yakuti *Pinacita Gulu Yathu* ya mwezi wa Setembro.
- **Pfundziro ya Bhibhlya ya Mpingo**: (mph. 30) jy nsolo 35 ¶12-19
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 121 na Phembero

JWAWU 1-2 | Yezu Acita Cirengo Cace Cakutoma

Jwau 2:1-11 ✍

Cirengo cakutoma ca Yezu cisatiphedza toera kudziwa pizinji thangwi ya makhaliro ace. Kodi cirengo ceneci cisatipfundzisanji?

- Yezu akhali na maonero akulinganira thangwi ya ubalangazi, pontho iye akhali na midzidzi yakutsandzayisa na axamwali ace
- Yezu akhatsalakana anthu
- Yezu akhapasa mwakudzala manja



- Nyimbo 57 na Phembero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- “**Yezu Amwaza Mphangwa Kuna Nkazi wa ku Samariya**”: (mph. 10)

Jwau 4:6, 7—Maseze akhadaneta, Yezu awangisira toera kucedza na nkazi wa ku Samariya (*nwtsty* cidzindikiro ca pfundziro pa Jwau 4:6)

Jwau 4:21-24—Kucedza kudacita Yezu na nkazi wa ku Samariya mbadzati kulonga pya Bhibhlya kwacitisa anthu azinji kubva pya Mesiya

Jwau 4:39-41—Thangwi yakuwangisira kwa Yezu, Asamariya azinji an’khulupira

- **Kusaka Mpfuma Zauzimu:** (mph. 8)

Jwau 3:29—Ndi api mabvekeru a vesi ineyi? (*nwtsty* cidzindikiro ca pfundziro)

Jwau 4:10—Kodi pakutoma nkazi wa ku Samariya abvesesa tani mafala a Yezu akuti ‘madzi akupasa umaso,’ mbwenye Yezu akhafuna kulonganji? (*nwtsty* cidzindikiro ca pfundziro)

Mwapfundzanji thangwi ya Yahova pakuleri kwanu Bhibhlya sumana ino?

Ndi mpfuma zipi zinango zauzimu zidagumana imwe pakuleri kwanu Bhibhlya sumana ino?

- **Kuleri Bhibhlya:** (mph. 4 peno zakucepta) Jwau 4:1-15

PFUNDZISANI MWALUSO MU UTUMIKI

- **Ulendo Wakutoma:** (mph. 2 peno zakucepta) Phatisirani khundu yakuti mafala akukhonda nentsa toera kutomesa makani.
- **Vidhyu Toera Kupangiza Ulendo Wakubwereza Wakutoma:** (mph. 5) Mungamala kuipangiza, phembani anyakubvesera toera alonge ntsonga zidapfundza iwo.
- **Nkhani:** (mph. 6 peno zakucepta) *wp16.2* 9-10 ¶1-4—Nso: lo: Ndi api mabvekeru a Lemba ya Jwau 4:23?

KUKHALA MASO NINGA AKRISTU

- Nyimbo 77
- “**Kuthimizira Maluso Athu mu Utumiki—Kutomesa Makani Akuti Anaticitisa Kupereka Umboni**”: (mph. 15) Nkhani yakucedza. Kunkhomo kwa nkhani yanu, phembani anyakubvesera toera atomese makani akuti anaaphedza kupe-reka umboni nkati mwa sumana. Pa nsonkhano wa pakati pa sumana unafuna kudza, amwazi mphangwa anakhala na mwai wakulonga kuti atomesa tani makani.
- **Pfundziro ya Bhibhlya ya Mpingo:** (mph. 30) *jy* nsolo 35 ¶20-27 na bokosi pa tsa. 89
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 35 na Phembero

JWAWU 3-4 | Yezu Amwaza Mphangwa Kuna Nkazi wa ku Samariya

Jwau 4:6-26, 39-41



Ninji pidaphedza Yezu toera kupereka umboni wantsusukano?

Jwau 4:7—Iye atomesa makani mukuphemba nkazi madzi akumwa m’mbuto mwakutoma kulonga pya Umambo peno kulonga kuti iye ndi Mesiya

Jwau 4:9—Iye nee apwaza nkazi wa ku Samariya thangwi ya dzindza yace

Jwau 4:9, 12—Pikhalonga nkazi ntsonga zakuti mbizidatomesa nthonga, mwakukhurudzika Yezu apitiriza kumpanga mphangwa zikhafuna iye kuti nkazi azibve.—*cf* 77 ¶3

Jwau 4:10—Yezu atoma kulonga nsangani mukuphatisira mabasa a ntsiku na ntsiku akhacita nkazi unoyu

Jwau 4:16-19—Ngakhale nkazi unoyu akhali waulukwali, Yezu antsalakana mwacilemedzo

✍️ Kodi citsandzo ceneci ca m’Bhibhlya cisatipfundzisanji thangwi yakufunika kwa kupereka umboni wantsusukano?



- Nyimbo 2 na Phembero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- **“Towererani Yezu na Cifuno Cadidi”:** (mph. 10)
 Jwau 6:9-11—Mwacirengo Yezu adyesa mwinji wa anthu (nwtsty cidzindikiro ca pfundziro pa Jwau 6:10)
 Jwau 6:14, 24—Anthu adzindikira kuti Yezu akhali Mesiya ndi thangwi yace mangwana mwace iwo ansaka (nwtsty cidzindikiro ca pfundziro pa Jwau 6:14)
 Jwau 6:25-27, 54, 60, 66-69—Nakuti anthu akhatowera Yezu na anyakupfundzace na cifuno cakuphonyeka, iwo agwegweduka na mafala ace (nwtsty pidzindikiro pya pfundziro pa Jwau 6:27, 54; w05 1/9 21 ¶13-14)

- **Kusaka Mpfuma Zauzimu:** (mph. 8)
 Jwau 6:44—Kodi Baba asacitisa tani anthu kuenda kuna iye ene? (nwtsty cidzindikiro ca pfundziro)

Jwau 6:64—Ndi munjira ipi Yezu akhadziwa ‘kubulukira pakutoma’ kuti Yuda mbadansandukira? (nwtsty pidzindikiro pya pfundziro)

Mwapfundzanji thangwi ya Yahova pakuleri kwanu Bhibhlya sumana ino?

Ndi mpfuma zipi zinango zauzimu zidagumana imwe pakuleri kwanu Bhibhlya sumana ino?

- **Kulero Bhibhlya:** (mph. 4 peno zakucepta) Jwau 6:41-59

PFUNDZISANI MWALUSO MU UTUMIKI

- **Ulendo Wakutoma:** (mph. 2 peno zakucepta) Phatisirani khundu yakuti mafala akukhonda nentsa toera kutomesa makani, buluka penepo pangizani kuti munatawira tani munthu angakugwandani mafala.
- **Ulendo Wakubwereza Wakutoma:** (mph. 3 peno zakucepta) Phatisirani khundu yakuti mafala akukhonda nentsa toera kutomesa makani. Buluka penepo pangizani kuti munatawira tani mwanaciro nyumba angalonga kuti ali na uphemberi wace.
- **Vidhyu Toera Kupangiza Ulendo Wakubwereza Waciwiri:** (mph. 5) Mungamala kuipangiza, phembani anyakubvesera toera alonge ntsonga zidapfundza iwo.

KUKHALA MASO NINGA AKRISTU

- Nyimbo 31
- **Ninji Pidakwanisa Imwe?:** (mph. 5) Nkhani yakucedza. Phembani anyakubvesera toera alonge pyakugumana napyo pidakhala na iwo thangwi yakuwangisira kutomesa makani akuti aacitisa kumwaza mphangwa.
- **“Nkhabe Cinthu Cidabvungika”:** (mph. 10) Nkhani yakucedza. Pangizani khundu ibodzi ya vidhyu yakuti *Prédios “verdes” que dão honra a Jeová.*
- **Pfundziro ya Bhibhlya ya Mpingo:** (mph. 30) jy nsolo 35 ¶28-36
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 89 na Phembero


JWAU 5-6 | Towererani Yezu na Cifuno Cadidi

Jwau 6:9-11, 25-27, 54, 66-69

Yezu alonga nsangani wakuti anyakupfundzace nee aubvesesa, natenepa anango agwegweduka peno atsukwala. Mbwenye ikhadapita ntsiku ibodzi kutomera ndzidzi udaadyesa Yezu mwacirengo toera kuapangiza kuti mphambvu zace zikhambuluka kuna Mulungu. Mphapo thangwi yanji iwo agwegweduka na mafalace? Panango iwo agwegweduka thangwi akhatowerera Yezu na cifuno cakuphonyeka. Iwo akhatowerera Yezu thangwi yakufuna pinthu pyakumanungo.

M’bodzi na m’bodzi wa ife asafunika kubvundzika: ‘Thangwi yanji ndisatowerera Yezu? Kodi ndisantowerera thangwi ya nkhombo zinatambira ine cincino na zinafuna kutambira ine ntsogolo? Peno ndisantowerera thangwi yakufuna Yahova na kucita pinafuna iye?’



 Thangwi yanji panango tinagwegweduka tingatumikira Yahova **makamaka** na mathangwi anatowera?

- Tisakomerwa kukhala pabodzi na atumiki a Mulungu

- Tisafuna kukhala m’Paraizu

Nkhabe Cinthu Cidabvungika



Pidamala Yezu kudyesa amuna 5.000 mwacirengo, kusiyapo akazi na anapiana, iye apanga anyakupfundzace: ‘Gumanyani mapindi adasala, toera pakhonde kubvungika cinthu.’ (Jwau 6:12) Yezu aphasira mwadidi pinthu pidapereka Yahova mbawangisira toera pikhonde kubvungika.

Mu ntsiku zathu zino, Mathubo Akutonga asawangisira kutowezero citsandzo ca Yezu mukuphatisira mwandzeru pyakupereka. Mwachitsandzo, mbidzati kumangwa ofesi ikulu inaonera basa pa dziko yonsene yapantsi ku Warwick, Nova York, abale acita masasanyiro toera aphasire mwadidi pyakupereka.

TINACALIRA TANI KUBVUNGA PINTHU . . .

- pa misonkhano Yacikristu?



- tingakwata mabukhu toera kualeri? (*km-T 5/09 3 ¶14*)



- tingakwata mabukhu toera kuaphatisira m’basa ya kumwaza mphangwa? (*mwb17.02 4 ¶1*)



- pakupasa anthu mabukhu athu? (*mwb17.02 4 ¶2 na bokosi*)



- Nyimbo 12 na Phembero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- **“Yezu Akhapasa Mbiri Babace”:** (mph. 10)
 Jwau 7:15-18—Mu ndzidzi ukhasimbwa Yezu thangwi ya njira yace yakupfundzisa, iye akhapereka mbiri yonsene kuna Yahova (cf 100-101 ¶5-6)
 Jwau 7:28, 29—Yezu alonga kuti iye atumwa ninga muimiri wa Mulungu, pyenepi pikhapangiza kuti iye akhangonjera Yahova
 Jwau 8:29—Yezu akhapanga anyakubvesera ace kuti ndzidzi onsene iye akhacita pinafuna Yahova (w11 15/3 11 ¶19)
- **Kusaka Mpfuma Zauzimu:** (mph. 8)
 Jwau 7:8-10—Kodi Yezu alonga uthambi kuna abale ace akuti nee akhalambira Mulungu? (w07 1/2 6 ¶4)

Jwau 8:58—Thangwi yanji iye alonga mafala ali kukhundu yakumalisa ya vesi ineyi akuti ‘ine ndikhalipo kale,’ pontho thangwi yanji mafala anewa ndi akufunika kakamwe? (nwtsty cidzindikiro ca pfundziro)

Mwapfundzanji thangwi ya Yahova pakuleri kwanu Bhibhlya sumana ino?

Ndi mpfuma zipi zinango zauzimu zidagumana imwe pakuleri kwanu Bhibhlya sumana ino?

- **Kuleri Bhibhlya:** (mph. 4 peno zakucepta) Jwau 8:31-47

PFUNDZISANI MWALUSO MU UTUMIKI

- **Ulendo Wakubwereza Waciwiri:** (mph. 3 peno zakucepta) Phatisirani khundu yakuti mafala akukhonda nentsa toera agutomesa makani. Buluka penepo phembani munthu toera agumanike pa misonkhano.
- **Ulendo Wakubwereza Wacitatu:** (mph. 3 peno zakucepta) Sankhulani lemba toera kuileri, buluka penepo mpaseni bruxura peno bukhu inaphatisira ife toera kucitisa pfundziro ya Bhibhlya.
- **Pfundziro ya Bhibhlya:** (mph. 6 peno zakucepta) Iv 9-10 ¶10-11

KUKHALA MASO NINGA AKRISTU


- Nyimbo 103
- **“Khalani Wakucepteseka na Wakukhurudzika Ninga Kristu”:** (mph. 15) Nkhani yakucedza. Pangizani vidhyu ibodzi.
- **Pfundziro ya Bhibhlya ya Mpingo:** (mph. 30) jy nsolo 36
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 119 na Phembero

JWAWU 7-8 | Yezu Akhapasa Mbiri Babace



Jwau 7:15-18, 28, 29; 8:29

Yezu akhapasa mbiri Babace wakudzulu mu pyonsene pikhacita iye na pikhalonga iye. Iye akhafuna kuti anthu adziwe kuti mphannga zikhamwaza iye zikhali za Mulungu. Natenepa pyonsene pikhapfundzisa iye akhapibulusa m'Malemba. Mu ndzidzi ukhasimbwa iye, mbiri yonsene akhaipereka kuna Yahova. Cifuno cace cikulu kikhali kucita basa idapaswa iye na Yahova.—Jwau 17:4.

 **Tinatoweza tani Yezu . . .**

- pakucitisa pfundziro ya Bhibhlya peno pakupfundzisa pa platifomu?
- tingasimbwa na anango?
- pakusankhula kuti tinaphatisira tani ndzidzi wathu?

Khalani Wakuceseka na Wakukhurudzika Ninga Kristu

Yezu akhali munthu wakufunika kakamwe kupiringana onsene adakhalapo, ngakhale tenepo, iye akhali wakuceseka na wakukhurudzika. Ndzidzi onsene iye akhapasa mbiri Yahova. (Jwau 7:16-18) Mbwenye Afarisi akhapangiza makhaliro akudzikuza a Sathani, akuti akhaacitisa kupwaza anthu onsene akakhulupira Mesiya. (Jwau 8:44) Pontho Sathani adzakhala Dyabo, dzina ineyi isabveka “Nyakupambizira.” (Jwau 7:45-49) Kodi tinatoweza tani Yezu tingapaswa miyai yakutumikira peno mabasa mu mpingo?



ONANI VIDHYU YAKUTI ‘FUNANANI UNANGO NA NDZACE’—CALIRANI NTCANJE NA KUGAYA, KHUNDU 1, BULUKA PENEPO TAWIRANI MBVUNDZO UYU:

- Kodi Alex apangiza tani kuti akhali wakudzikuza?
-



ONANI VIDHYU YAKUTI ‘FUNANANI UNANGO NA NDZACE’—CALIRANI NTCANJE NA KUGAYA, KHUNDU 2, BULUKA PENEPO TAWIRANI MIBVUNDZO IYI:

- Kodi Alex apangiza tani kuti akhali wakuceseka?
-

- Kodi Alex aphedza tani Bill na Carlo?
-



ONANI VIDHYU YAKUTI ‘FUNANANI UNANGO NA NDZACE’—CALIRANI KUDZIKUZA NA PINTHU PYAKUPASA MANYADZO, KHUNDU 1, BULUKA PENEPO TAWIRANI MBVUNDZO UYU:

- Ninji pinapangiza kuti M'bale Juwau akhali wakudzikuza?
-



ONANI VIDHYU YAKUTI ‘FUNANANI UNANGO NA NDZACE’—CALIRANI KUDZIKUZA NA PINTHU PYAKUPASA MANYADZO, KHUNDU 2, BULUKA PENEPO TAWIRANI MIBVUNDZO IYI:

- Kodi M'bale Juwau apangiza tani kuti akhali wakuceseka?
-

- Kodi citsandzo ca M'bale Juwau caphedza tani Fatima?
-

KUTHIMIZIRA MALUSO ATHU MU UTUMIKI

Kutomesa Makani Akuti Anaticitisa Kupereka Umboni

Yezu akwanisa kupereka umboni wantsusukano kuna nkazi wa ku Samariya thangwi akhadatoma kucedza naye makani anango. Mphapo ifembo lero, ninji pinafuna kutiphedza toera kutomesa makani na anthu akuti nkhabe kuadziwa?

- Khalani wauxamwali, pontho lekani khala na manyadzo toera kucedza na anthu. Ngakhale akhadaneta, Yezu atomesa makani basi ene mukuphemba madzi akumwa. Imwembo munakwanisa kumwanyika munthu mwakutsandzaya, buluka penepo mbumulonga thangwi ya makhaliro akudambo peno pinthu pinango. Kumbukani kuti cifuno canu ndi kutomesa makani, natenepa longani pinthu pyakuti pinakhuya mitima ya anthu. Khala munthu anacedza na imwe nkhabe funa cedza, yeserani unango. Phembani Yahova toera akupaseni cipapo—Neh. 2:4; Mac. 4:29.
- Banzani miyai yonsene toera kutomesa makani akuti anakucitisanu kumwaza mphangwa zadidi, mbwenye lekani kucita pyenepi na mangungu. Mungacinja mwakucimbiza makani anu toera mumwaze mphangwa, panango munthu anacedza na imwe nee anafunabve kukubveserani. Na thangwi ineyi, pakutoma citisani kuti munthu akomerwe na makani. Lekani kutsukwala makani angamala mbamudzati kupereka umboni. Khala mphyakunentsa kwa imwe kupereka umboni wantsusukano, wangisirani kucedza na anthu, tayu toera kupereka umboni, mbwenye toera mudzolowere kutomesa makani. [Pangizani vidhyu 1, buluka penepo phembani anyakubvesera toera alonge ntsonga zidapfundza iwo.]
- Sakani miyai yakupereka umboni mukuapanga pinakhulupira imwe munjira yakukhuya ntima, thangwi pyenepi pinacitisa ule anakubveserani kucita mibvundzo. Yezu alonga ntsonga zakufunika zakuti zacitisa nkazi kucita mibvundzo, pontho pidafika ndzidzi wakuti alonge mphangwa zadidi, basi ene iye akhatawira mibvundzo ikhacita nkazi. [Pangizani vidhyu 2, buluka penepo phembani anyakubvesera toera alonge ntsonga zidapfundza iwo, mungamala pangizani vidhyu 3 mbumucita pibodzi pyene.]



Kutomesa makani kwakhala ninga masendzekero anacemerwa matamata. Nakuti nkhabe munthu anagwa matamata ekhene, nkhabembo munthu anacedza ekha. Natenepa, ndzidzi onsene sakani miyai toera kutomesa makani.

